

T 3150/0214.83

1

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JUN 15 1939



高平縣志序

哈佛大學漢和  
圖書館珍藏印

傅君令高平之三年以脩  
志告曰志之闕也百餘年  
於茲矣縣有老儒司君昌  
齡者多讀書諳故事及其  
無恙文獻其有徵乃聘戴





孝廉萼浦輯之為二十二  
卷明年春脫稿寄予而問  
序焉讀之詳簡有法可以  
示後矣憶歲戊子予自楚  
臬移晉踰太行晞天井道  
出高平考所為羊頭之山

長平之壘慨然念斯民命  
於兩間嘉徵沴劫惟其所  
值為可感也予承乏此邦  
者數年東過井陘北度勾  
注出重邊抵大青山之麓  
古所謂險塞之地鑿躡之



高平縣志 卷之六  
序  
場者今皆畛畷聚落蕃孳  
作息雞虺不驚矣

聖人在上萬物康阜人民壽考  
豈一世之澤與晉俗勤儉  
而上鄙之風尤醇官斯土  
者得以從容考鏡往蹟坐

理殷庶歌勞勤苦豈可不  
知其所以自與無為繭絲而  
為保障使神禾連穎而丹  
水化為蕪泉此則予與良  
有司所當孜孜共勉而茲  
書益可信其不朽矣是為



序

乾隆三十九年甲午二月  
十日

賜進士出身

誥授通奉大夫山西布政使司  
布政使前

日講起居注官翰林院侍讀  
學士大興朱珪書於晉陽  
藩署之知足齋





粵稽諸古郡國之志太史掌之  
而周禮則有小行人之職分別  
所至之國之風土人情以反命  
於王典至鉅也今之邑即古之  
國今之邑志即古之國史彰察  
者在是法戒者在是操觚豈



易言哉高平為古涇氏隸澤州  
郡在禹貢為畿輔支邑漢魏齊  
隋唐宋代有改置前明仍名高  
平國朝因之其志自嘉靖乙  
酉迄順治十五年脩輯再乙始  
則十五卷繼則刪為十卷獨此

百二十餘年若文若獻缺焉未  
詳歲癸巳邑令上儀傳君延請  
名宿以董其事不數月厥工告  
竣問叙於余上兼令鳳臺與高  
平接壤其於古涇氏之風土人  
情畧窺大概遂不敢以不文辭



高平縣志 序  
今夫升降者道也溥滴者俗也  
有善以以率於上斯有仁風以  
被於下淫雖蕞尔邑百廢俱興  
要自有綱舉目張之盛顧體裁  
弗協交分弗分何以信今而傳  
後茲者星野圖譜冠諸首襍志

藝文列其終二十二卷脩短合  
度一披覽而得通典通攷通志  
之遺彙非第流覽山川僅誇金  
峰之月丹水之波已耳異日者  
通省志採而存之一統志擇而  
載之其於古涇氏之風土人情



高正縣志  
庶幾上報


天子以規久道化成之效也余且拭

目俟之

皆

大清乾隆三十九年歲次甲午仲  
春上浣冀寧觀察使者姜宏湖

繆其吉撰





高平縣志序

上黨地扼天下之脊名最古或曰高都也或曰長平也或曰注氏或又曰丹川縣之名高平蓋自後魏永安始也歲庚寅余奉



命來守是邦間嘗攷其山川稽  
其圖籍披覽沿革之際喟  
然者久之曰異哉所聞高  
平故有志志凡四脩純駁  
略有別今之所稱舊志者  
順治十五年輯也嗣是以

來日新月異踵事增華日  
染耳濡浸尋已久言人人  
殊書缺有間矣百年之內  
風土民情之故類無所表  
述邑之人士俯仰其間鮮  
考據而折衷之誰官斯土



者而竟沿習至此傳令治  
 邑之三年慨然起曰是余  
 之責也夫是余之責也夫  
 今  
 國家撫馭中外政教覃敷車  
 書一統制作維新余為是

邑有司而弗能網羅散失  
 勒成一書恐踰時越久日  
 就湮沒將何以為文獻徵  
 也爰是遠聘名儒廣採公  
 論列所次新舊事弗敢闕  
 為之分門別類博極羣書



討論得失他日將存為國  
 史補癸巳秋創其事甲午  
 夏告竣稿上訂可展卷之  
 暇良為稱善倘所謂通一  
 邑之掌故信今傳後者其  
 在斯乎其在斯乎余按高

平昔年用武地也烽火干  
 戈紛爭旁午不勝屈指數  
 白起廉頗諸將其故迹尚  
 有存者今邑數世不見兵  
 休養生息戶口滋繁人民  
 殷富禮讓相先急公市義



久矣號稱易治矣昌黎云  
風俗與化移易惡在今不  
異於古所云耶又聞之澤  
潞青紫多半產在高平斯  
言之傳由來已漸振學校  
廣教化崇尚風雅拔起人

文非伊異人任也是在為  
良有司者


省

乾隆三十九年歲在甲午  
初夏

特授朝議大夫知澤州府事章



水劉開燾題於觀我堂



序

國有信史寓褒貶於勸懲而是  
非以定邑有實錄示激揚於旌  
別而泚慝以彰雖志為小史有  
褒貶有勸無懲而其旌別之  
微權隱行其貶與懲者實與史



同歸一致焉志也而通乎史矣  
甲午夏予以寄嵐州奉

憲委署高邑篆交代甫畢前任  
傅公以所編葺新志命予一言  
以為序予雖不善文又未敢以  
不敏辭因三復而詳繹焉今夫

山川阨塞邑之屏衛也城池學  
校邑之觀瞻也敦節孝而興觀  
感尚文學而知禮義邑之觀摩  
矜式也至於嘉言懿行代有傳  
人隱逸賢才接踵而出莫不條  
分縷晰竟委窮源舊志修於順



高平縣志 序  
治戊戌迄今百有餘年得傅公  
之網羅散失遠紹旁搜缺者補  
之簡者續之詳而有體典而能  
該殆所謂信令傳後顯示其褒  
與勸而微蘊其貶與懲以成一  
邑之掌故者意在斯乎予視象

以來志已告竣不獲分任微勤  
今適聿觀厥成予亦與有榮施  
不可無一言以爲泣邑之士民  
慶且以誌

聖天子

重熙累洽久道化成是以風  
土之龐厚川巖之靈秀與才德



節義之方興未艾也後之作者亦將有籍於斯文

乾隆三十九年歲次甲午孟冬

穀旦知寄嵐州署高平縣事粵

西陳聖瑞



序

注邑舊志自前令范次於順治戊戌歲修輯之後迄今百有餘年矣其間目革損益應事增刪者頗多辛卯春余來知縣事翻閱舊



本以思續加釐定碩下車  
伊始庶務紛繁未遑並舉  
且事闕著述更未敢以淺  
陋之學妄加筆削是以  
姑從其緩之視事三載案  
牘之餘甫將社學祠署倉

廩獄舍等事次第修舉略  
有端緒適據紳士以邑志  
呈請續修竊惟

國家疆域之廣超越曠古凡  
隸版圖胥詳於方畧表志  
諸書高平屬晉東南為



右輔之巖邑志乘雖稽實  
所未安爰稟請

各憲重謀編輯既蒙批允  
聞南徐孝廉戴君萼浦東  
遊三晉延致邑中托以考  
訂自疆域山水營建賦役

以及良吏名紳忠孝節義  
諸條相與折衷商確自秋  
徂冬勒有成書余思周禮  
職方氏小史掌邦國志大  
史掌四方志若輿地圖寰  
宇記一統志等書體例雖



殊徵事攷言胥昭史法在  
國有史在邑有志制度詳  
焉教戒寓焉文物聲名  
於斯著焉今

天子式廓丕基覃敷文教纂  
修四庫全書以昭大備宜自

輜軒採聽是書毋尔有裨  
萬一歟或進而言曰斯志之  
成始有時數百餘年前之  
范公公之鄉人也中間名  
賢踵至豈無有志斯役者  
類皆曰循不果今復得公



續成是舉則是公之一鄉  
後先相望大有造於斯邑  
矣詎非時數使然耶余應  
之曰此紳士之志宰斯出  
者亦祇據情轉達謹奉  
上憲之命以董其成耳其

他非所敢居也是為序  
乾隆三十九年歲在甲午  
孟夏之吉知縣事三韓  
傅德宜令儀氏書





高平縣志 卷首

舊志序

萬曆四十三年 李維楨

昔孔子論鄭國之爲命曰裨諶草創之世叔討論之行人子羽修飾之東里子產潤色之辭命何國蔑有孔子奚取焉人情嫌於揚己則避而不敢首事嫌於蓋人則徇而不敢更張此四君子者當先而草創不虞人之議其專也已成而討論修飾潤色不虞人之耻其疎與陋也要期於其濟國事而已孔子之善鄭意蓋如此今之邑古之國也而廣大蕃庶容有過之今之邑志古之國史也彰往察來觀民體物是非褒貶法戒取舍咸是焉資其視爲命或端發



一事或事在一時所關理道廣遠殆有過之作者述者寧  
渠易辦乎余讀高平志嘉其與鄭命異體而一致焉高平  
故有志迄嘉靖三十七年到於今五十七年矣而合劉文  
英續之文英行其意邑學士大夫修其辭分門別類以故  
志所定為允則不易天文分野地方千里不專一邑則不  
載疆域形勝山川古蹟丘墓故志所遺抑昔存而今廢則  
必書賦有上供有軍興戶口庸調權稅有登耗有贏縮有  
利弊有因革國計民生務之重者也則必詳名宦鄉賢故  
所失收抑在後進者非輿論僉諧則不登稅文非雅馴及  
有禪風教則不錄生有封章歿有諭祭王言君命非可他

比則特識之美哉志也具三善焉無所矜以炫長故辭贍  
而約無所隱以逃名故事備而覈無所詘以行媚故義正  
而嚴可以言述亦可以言作可以言志亦可以言史稽古  
有徵垂後有式藉使鄭四賢操簡載筆其體裁華藻應若  
是爾余與文英同事二年不省何狀然必聞其政今見其  
志復若見其人詢事考言言可底績而志成適與君三年  
報政期會故為叙論大歸且以風示諸長吏云

萬曆四十三年 馮養志

我國家環海為區星分郡邑其載在一統志者燦然臚列  
矣維是郡邑亦各自為紀焉高平即古泫氏為三晉屬邑



邑舊有志乃大司空郭公所纂者公邑人也蒐羅核寔枉  
華鴻裁鏡往詔來足垂永世自嘉靖辛酉迄今且五十載  
矣道有升降俗有淳漓察有禔祥政有治忽山川扼塞如  
故也而建置不常民聚物叢如故也而則壤靡定靈秀鬱  
結聿鍾于人懿行芳規繄顯或異是安可以無述哉四紀  
于茲猶昭耳目失今不述久之益湮後有作者誰其徵乎  
邑父母昌平劉公起家進士來尹茲土惠政仁風舒虹爍  
電勵精未幾而百廢俱興矣稽古憲文考治問俗爰覽前  
志而近事何寥寥也乃穆然咨嗟曰斯邑也豈其不足于  
文獻哉抑亦長吏者之責也于是起而重修之焉廣諏咨

嚴綜核薙蕪穢補缺遺巨肝細眎靡不條列炳若指掌矣  
昔者杜預發引凡例乞垂舊章張衡合正三史願就新載  
乃若斯志庶其兼之第摭拾梗概屬之謀野折衷損益多  
公所自裁耳視先正之所纂者則近事有徵而益加脩焉  
庶幾哉晉之乘也志成以觀不佞不佞卒業嘆曰葺爾泣  
民徼惠我公愷悌慈祥保障同夫尹鐸殫洽宏肆良史不  
愧董狐其治邑者凡幾載矣上下咸孚遐邇不應循良之  
譽騰蹕三晉行且班聯瑣闥而簪華鬘頭矣繼公爲政者  
舍公其誰師乎考鏡徽猷斯志固在也不佞浮沉南署不  
獲受成以與殺青之事因序其首



順治十五年 李棠馥

邑有志猶國有史采風貢俗彰往鏡來于是焉資高平舊志四卷明嘉靖間修于郭司空一泉先生簡古質寔雅有先進遺風議者譏其未備洎萬歷間重修于邑令昌平劉公佐以孝廉唐子輩增為十五卷分門析類郁乎有章矣又未免搜羅過雜體裁未安識者病之繼茲俗儒以私臆續貂遂至割裂篇章顛翻人物魯魚亥豕雜見行間蓋四十年來而書幾不堪寓目矣三韓范老父母治洙之五載道化翔洽弦誦連于比屋頃奉上檄重修邑志乃矢慎矢公周諮周度博引諸儒之論力排盈庭之訟約十五卷為

十卷始自輿地終于藝文披文考寔可信可徵焯然稱不朽之業余不佞奉 召佐樞道出里門公以裁訂見屬余畢覽而善之曰美哉簡而該微而顯典而有章質而不俚洵一詞不能贊矣星野沿革山川則統于輿地祠祀則併于建置非所謂簡而該者乎凡言以人傳者雖連篇必載如和氏之可珍若人以言傳者即片幅僅存亦一肯之不棄非所謂微而顯者乎攷經據史不傳疑似之文書事書名畧依史氏之筆則典而有章矣若勝地名山偶載遊人之蹟方言市語不襲雜俎之餘則又所稱質而不俚者也四善備矣至于節孝大端必取其協例服衆通詳報可者



乃入余謬建是議以折聚訟公虛懷嘉納而持之甚力濫  
觴盡黜其足脩勸懲而關風教者豈淺尠哉晉明康海纂  
武功志孫承宗纂高陽志徒以文章之名重于天下如公  
之卓識宏裁言爲世法徵文考獻確乎可憑且當與班馬  
平分一席二公且瞠乎其後矣

順治十五年張 汧

粵稽禹貢分冀州之野者于春秋俱稱沃壤吾邑高都屬  
焉迨秦漢以後俗漸敝益漸侈然而伊祁遺意猶幸彘彘  
弗衰以故職方氏蒐輯風書泐成國史于西北爲巨隄其  
山陵泉源隱隱隆隆周衛環峙結受大行之甲秀而人文

瑰杰者富壽者乃遑遑邁于他邑予遐攷卉季揆合今茲  
覺仕版日擴而人重守噐下迄比戶可封亦家敦禮讓故  
士謹民愿急公市義較曩管似遠過者于三晉爲僻隅于  
澤潞又爲化境矣予雖未矚上世之熙淑時從耆長傳聞  
班班可紀耳茲邁賢侯潘陽范公躬膺司牧之寄以古循  
良自期拔大本蕤喻擊強悍也置水喻清也抱兒孫立階  
下喻慈也三媿畢具朱邑卓茂之踪洵堪并駕詎獨遜能  
于漢陽長耶遂慨然于褒貞斥僞尊崇簪典凡邑中芳區  
勝址名宦高賢清人節女或有淹沒弗彰者咸得播揚之  
特達之于是有重修邑志之舉夫邑有志猶國有史也善



善之公協乎輿論流布千載如同轍安在吾土龐厚之風川巖之氣與夫殊才絕德懿節遺文不均賴以不泯哉我侯之功偉矣懋矣予薄宦天中思卧棠蔭而不得憶邑中之疆寓林巒每依依于食息間今志已告竣徵序弁端試舉疇昔傳聞以及它鄉遙睇者悉從紙上見之猗歎卓哉至于闡發絜潛搜羅遺逸善善公而輿情協是又在載筆者

順治十五年 田逢吉

古今不朽之業必非常之人始克任之非徒才識之難亦必其區畫之精詳衡量之曲當足以厭一時之望而協百世之平而後其制作所垂爲能挾以俱永予待罪史館久于鄉井事耳日益以濶有告予者曰吾邑有大制作子知之乎予曰不知也客曰吾泣之志因循廢缺凡數十年而茲始克成焉非鉅舉乎予狂躡而起曰有是哉問孰成之曰邑侯范公成之問公何以成之曰公以邑之大典諮于衆得賢紳士若而人開局讎校取舊志之蕪冗訛謬者重訂之而增輯其迄今之鉅要放逸者其大是非議論必憊蕭矢告與衆共之而又獨手裁之隻字進退不少假自始事以迄告竣凡再月公之心力畢殫而費亦不貲書成而舉邑平之咸以爲信史予嘆曰嘻若子言予固知非范公



不克任此也雖然此何足盡公公以天下才僂而小試百里蒞吾泣五載獄衰訟息疵無不釐而廢無不舉其爲政務寬大簡易與殘黎休息而豪猾自戢境以內慈母恃之卽莫不神君肅之至于徵發期會事出尋常而勢處盤錯者在他境多擾攘失措或遂重困不可止公偃蹇談笑從十指間剗劑之咸得其要領呌齟不煩而咄嗟已辦所留餘于民無算而康衢含鼓併不知誰之爲之蓋其肩荷與所造于吾法其艱且鉅有十百于此者誌其一端耳予故曰此未足盡公也然古今來名著作者無慮數十家其凡瑣者不暇論至馳騁閎肆如馬遷淹雅博綜若孟堅蔚宗

後世指摘猶不免焉豈非持論之難而是非進退有未盡合于道者乎誌雖一邑其責豈有異焉而公之區畫詳衡量當輕重在手人人各得其意不再月而數十載之曠典已舉令起而居鈞軸之地爲六字操宰割爲秘府任折衷其于持平舉要亦復奚有且是舉之因循廢闕凡若而年前之人幾踟躕却顧而卒于公手成之不朽之業與非常之人確如有待豈偶然乎予故以爲非范公不克任此也旣以釋告者去而會公以付劄有日遣使來徵一言予匏繫職守不獲簪筆從公後又未及得是書讀之竟其曲折獨就所素知公與近所得于輿誦者爲公述而識焉昔歐



陽文忠人品事業皆千古僅有而其所專脩五代史獨醇  
雅有法爲後世所誦服法雖叢爾紀載之在天下與在一  
邑雖微有間然以公之人而爲是書其于不朽宜必有合  
爲我告范公曰天下事行屬公皆當如此誌矣

順治十五年

范繩祖

古天子以及有國之君各有史其于舉必書雖甚諱不得  
而奪焉所以昭垂懲勸至嚴重也後世方域紀載之書有  
美而無惡其于職亦漸以替矣然齊魯曹鄭今皆列爲郡  
縣邑未嘗不得史而自山川風土人文賦籍以逮名紳良  
吏忠孝節烈之屬一登採陟百世榮焉故隱其意于懲而

顯其文于勸亦猶行古之道也當斯任者其敢忽乎哉高  
平之有志從來已久明嘉靖萬歷中司空一泉郭公暨前  
令昌平劉公會兩脩之嗣是因循廢闕自天啟迄今垂數  
十載予初蒞泣慨然欲身任之而事關特舉恐力繭弗克  
勝今歲十月奉通行修輯之憲檄乃卜日集議開局于邑  
之西館延禮名紳賢士蒐討舊文網羅放失訛者訂之蕪  
者刪之逸者增之謬者覈之凡舊志十五卷括爲十卷緒  
不繁而義咸備焉其或是非進退關論定者必焚香矢衆  
與紳衿邑老博諮而確議之隻字編摩惟公惟此于是新  
舊典故燦然星列無湮沒淆駁之患凡再閱月而告成事



諸君子以予寔董是役當綴一言予惟致治之道先教後政而萬世之書與一時之言其功又不啻倍誌之于書又教之公而鉅者也泫邑當兵燹燔蕩之後一旦舉數十年之墜典重新之使遺文有所垂而紹貞無所鬱于以厲世摩鈍教孰有重乎是憲令之大有造于泫邑也而予雖不敏亦得藉手竭蹙畢數載之志所未逮邑之史有成令之責于是乎釋也况古郡國之志掌于太史周禮小行人之職所至之國必別其風俗之書為五以反命于王所以博綜遐逸而周天下之故也是書成他時採風之使或過而問焉其以資彤管之求而佐秘閣所未備者安知不在于

是耶昔劉知幾論史有三長曰才學識而域中稱三無私惟史居一夫才學識豈予所敢言而是非進退上則憲台之權次諸君子校讐之力予又何敢獨擅予惟矢其惟公惟忠之心以恪修厥職雖一邑之記載不敢不以古史之意行之庶無隕越以貽大典疚也其新舊增損卷目詳後紀例不具列

順治十五年 郭元佐

嘗覽一統志即可稱外史曷為邑亦有之曰今之邑古之國也邑之乘國之史泫為文獻邦久矣其志自弘嘉以還修之者再三作與述幾無遺力煌煌乎鉅典哉但改運而



後諸凡闕畧不勝指非起而更新之其何以為後世徵邑  
侯范老大人勵治五稔百廢俱興復留神掌故慨然以修  
纂為己任猶爾虛公採訪有謀野心延薦紳鄉先生暨諸  
庠士佐亦得以供厥役未匝月而告竣將付剞劂氏又屬  
佐以文簡末竊不揣為續貂之詞蓋時當鼎革其間風景  
多遷則聲名文物其乘此一變乎嘗考革之九五曰大人  
虎變而孔子即以文炳侈揚之所為以革之去故而兼鼎  
之取新天下文章莫大乎是今花封百里亦得分虎變之  
餘輝願可憚于修明與然他不具論特所難者在忠孝廉  
節關千百年之風教而勸懲寓之非公則弗信非信則弗

傳獨賴大人廣咨諏嚴考覈對神矢誓以鐵面為鐵筆其  
應登邑乘者一準諸輿論絕不以成見與其中于時適館  
授餐刻期考業抑何其既公且慎乃爾爰刪繁以就簡即  
舊以增新大書以摠其綱分書以詳其目一倣紫陽遺意  
至其分門別類前已悉言之不復贅是役也操觚而編輯  
者龐先生也執簡而較訂者李趙諸先生也供筆研以分  
閱者二三博士弟子也若夫酌其可去可存獨裁獨斷以  
成一信史者則大人為政予小子何力之有焉亦惟適觀  
厥成以紀一方之文獻後有作者其以是為徵

脩志紀事

順治十五年 范繩祖



高平縣志遠不可稽明嘉靖三十七年司空郭一泉先生  
鑿補其缺遺正其謬訛質而有體迨萬歷四十三年前令  
昌平劉公應召重爲纂脩庠生張國經王民皞唐繼臯常  
毓和校閱成書夏官大夫馮養志備序其事斐然可觀矣  
嗣是天啟年有重脩志書之令當事者止增叙文因仍舊  
制續加官師貢舉藏書不謹致不肖之徒剽補穢濫不足  
信徵順治十五年十月內奉 憲檄脩志余集闔邑紳衿  
公議重校務欲力剔宿弊細加核實一切孝節義耆之科  
輿論弗許者不入若其裁併彙集刪飾評斷則脩志諸公  
之力居多也至於從舊志斷中或錄其全論或採其數言  
蓋不欲以今日著述掩前人之善識者自能辨之也

目例卮言

順治十五年 龐太樸

舊志卷十有五茲括爲十卷蓋不欲其繁多而又期于包  
舉無遺也如舊編首志沿革次志天文例應統歸輿地以  
明職方之義而後封域以區之形勝以表之察風俗以觀  
美惡攷山川以辨土宜琳宮梵宇亦藉以壯山靈之色探  
奇吊古遺蹟故儼然在也鬱葱茂植物產時豐輿地之槩  
于茲較著已至夫建置之大者首城池昭捍衛之固次縣  
治示臨馭之尊再次學校田社彰崇儒重道之典壇廟祠  
祀報功德也公署屬舍脩迎送也倉廩武備厚儲練也以



逮津梁郵政雖廢替者多端而脩舉者宜講若賦役則國計民生係乎此矣改玉以後兵燹數罹飢饉薦臻疆理汗萊而賦未減戶口凋耗而役日煩蒞茲邑者能不惻然念之哉詩云豈弟君子民之父母今日之司牧寬催科急撫字固其所也下此而脩丞尉之員者廉平循惠亦有其人脊相輔也以襄厥成至于躬爲師表中正愿慤期士子相觀而化尤稱急務豈非善政善教懿美可傳而後循良著績耶若乃翠屏蒸秀丹水環清鍾扶輿貞淑之氣其間英哲挺生人文蔚起徵辟之典間代而有科目之盛于今爲烈行見夫忠孝貞廉同光天壤而况綸綍殊恩簪纓世胄

較諸一命之榮不更輝映桑梓也哉終之以叢譚非但供揮塵之資已也襍祥告警明旦惟兢兢監觀則遵典刑守經可也母炫奇可也雖有妙慧神伎靈仙簡棲同于三語之掾僅侈恢奇百拜之賓聊存典故降而縱橫爭伐之策殺人盈野千載冤呼奈何哉其以坑卒考置吾志之首哉然則學士大夫欲樹不朽之業或獻明廷或藏名山德功而外惟在藝文必其昭然可垂與邑志相關者存爲文獻之徵倘人與文俱非吾土雖坡老鴻詞猶刪而弗入亦如王粲之不妄臚列貽奕禩之譏爾且也當吾之世名儁輩出奇文共賞姑俟事久論定不敢遽爲摭其行採其文也



是其括十五卷爲十卷者要不失前人之大指而特于列  
目中求其簡而核秩而不紊以待後之人叅稽而定之也  
若必如往志凡例自附于紫陽綱目之制則吾豈敢則吾  
豈敢

凡例

舊志十卷闕者病其簡而未當且逮今百有餘年矣爰  
存舊序于卷首舉典徵事博採旁叅釐爲廿二卷天尊  
地卑首星野示在上也次圖譜寓目了然檢書卽証次  
沿革泣之爲邑最古顧自漢以後建置析併更名易隸  
屢代不一詳著之庶山川封域考古卽以信今次疆域  
城池以下類附焉幅幘百里山環水匝撫綏應接賴有  
司存次山川形勝等地近太行寔爲右輔巖邑慎固封  
守非僅簿書錢穀也次風俗物產俗稱勤儉從古而然  
波靡至今要在返樸土產不豐地勢然也次公署屬廨



等類關營建興廢補敝宜權民與財次學校教育之地  
人材所出不可不謹且詳次賦役八政重食貨輸將不  
易賦役全書脩錄之雜稅倉庾土貢胥民力之所存也  
次兵制武事有文事必有武脩承平之世要不可忘次  
職官令長官師一邑之所仰承克盡其道頌循良焉歷  
載姓氏有卓越者列之名宦非意爲褒貶也次選舉類  
次其途取士之法不一而英才亦往往間出後進者際  
登明選公之會當知所取法次人物山川鍾毓代不乏  
才錙衣有懷碩德靡遺小善亦錄所以風也不二之婦  
苦節永矢非以求名搜攬以表彰之俾不與草木同腐  
次祥異盛世所不能無迺休弭變事在乎人次雜志書  
之體例博証他志微有異同要在事以類及其片辭逸  
事無可歸附雜綜于後終以藝文名公鉅製家自有集  
傳世所錄祇期與志附麗後詳註焉

南徐戴純識



高平縣志

脩輯姓氏

總修

高平

縣

知

縣傅德宜

奉天舉人

纂修

候

選

知

縣戴純

舉人順天籍江南人

考訂

候

選

訓

導司昌齡

歲貢

分修

乙酉

科

舉

人曾斗南

陽曲人

高平

縣

教

諭陳參贊

徐溝舉人



高

平

縣

訓

導劉殿翔

興縣舉人

戊

子

科

舉

人趙湛

同修

原任刑部廣東司主事崔堪翼

貢生

候

選

府

同

知祁樂

貢生

候

選

知

縣賀永端

貢生

原

任

介

休

縣

訓

導

李

生

棟

貢生

壬

申

恩

科

武

舉

張

大

武

舉

張

大

武

候

選

州

同

知劉虎文

武生

候

選

衛

千

總蕭定國

武生

編次

候

選

州

判

李

附

副榜

候

選

訓

導

張應旌

廩貢

貢

生趙德重

廩生

廩

膳

生

員李治經

校錄

增

生張勵謙

附

生趙世泰

增

生邵有寬

附

生楊承緯



採訪

廩

生賈宗桂

監

生李錫爵

監

生畢炤益

監

生李錫榮

監刊

高

平

縣

典

史鄭伯孺

貴州人

候

選

縣

丞王蒞

監

生畢炤觀

附

生李居易

經理

候

選

訓

導袁存仁

歲貢

貢

生趙良有

候

選

從

九

品鄭培

增生

監

生郜世可

勤事

候選主簿秦桓

監

生袁九重

貢

生趙廷儀

監

生趙秉健

候選

布經歷趙繼遠

貢

生袁大用

監

生郭有成

候選

州同張子揚



監 生李璉

監 生崔錫九

候選布理問蘇臨淵

監 生李萬鈔

監 生田文貴

貢 生常安烜

監 生陳濟

監 生殷殿士

監 生王掬

貢 生楊可楚

監 生劉炳

武 舉尙欽

候選州同常憬

貢 生李遐昌

候選司獄張統基

監 生楊棋

監 生朱秉淳

候選州同李生林

監 生牛文光

貢 生賈彭

監 生楊達德

候選主簿申灑

繪 圖程榮 陽曲人

鄭文翔

掾 史王世華

李國卿

呂端

鑄 刻李燮光



高平縣志 目錄

卷之一

星野

卷之二

圖譜

卷之三

沿革

卷之四

疆域

城池



關隘

驛候

舖遞

里甲

市集

卷之五

山川

形勝

古蹟

水利

橋梁

陵墓

坊表

卷之六

風俗

風土歲時記

物產

卷之七

公署 屬廨倉  
獄附

壇廟



祠祀

寺觀

卷之八

學校

書院

社學

鄉飲

卷之九

賦役 附 囚 糧

稅課

鹽法

貢篚

倉庾

耕籍 附 老 農

蠲免

養老

卷之十

兵制

武事

卷之十一



職官

名宦

卷之十二

選舉

薦辟

科目

鄉貢

恩拔歲副  
例貢附

官階

掾階

封爵

誥錫

任子

祭葬

武科

武階

卷之十三

人物

文苑

卷之十四

孝義



隱逸

寓賢

藝術

仙釋

卷之十五

列女

卷之十六

祥異

卷之十七

雜志

卷之十八

藝文詩  
附詩餘

卷之十九

藝文  
雜著

卷之二十

藝文  
雜著

卷之二十一

藝文  
雜著

卷之二十二

藝文  
續選附



卷末

後序

高平縣志

卷之一

星野

哈佛大學漢和  
圖書館珍藏印



天之所覆薄海內外莫可紀極豈惟華夏為日月五星之所照臨顧自周禮大司徒以土宜之法辨十有二土之名物以相民宅而知其利害保章氏以星土辨九州之地星土者星所主土也大界則曰九州州中諸國之封域於星亦有分焉衆星布列體生於地精成於天列居錯峙各有攸屬在野象物在朝象官在人象神斗居中央四方各七日月運行歷示吉凶五緯躔次用生禍福粵稽陳卓摠甘石巫咸三家著星圖大凡以為定紀



龍門父子著天官書後世代有紀述星野者天官之支流也今其可言者十有二次高平幅頓百里冀之一隅其次實沈晉之分也參爲晉星爰稽前說叅互考之志星野

長平介趙魏中星應觜參之次晉天文志曰自畢之十二度至井十五度爲實沈唐天文志曰觜觶參伐實沈也實沈爲晉魏其占爲參井考据山川應在觜參之間舊志

繪圖

高平隸澤州在冀州一隅準諸分野考諸傳說應係觜觶參之次至天官家言亦應占昴畢於前事殊有徵以故四星並列以俟推詳隋隱者丹元子步天歌句中有圖言下有象茲紀其歌於歌前圖星形庶仰觀天象畧見包羅








半入胃宿七度天苑十六星距東北星去極一百七度  
 半入昴宿七度半芻藁六星距西行中星去極一百八  
 度入婁宿十一度卷舌六星去極五十三度入昴宿初  
 度天諛一星去極六十一度半入昴宿半度礪石四星  
 距南第二星去極六十五度入昴宿六度

畢宿圖 唐志畢十六度





丹元子步天歌

恰似瓜又八星出附耳畢股一星光天街兩星畢背旁  
天節畢下八烏幢畢上橫列六諸王王下四阜天高星  
節下團圓九州城畢口斜對五車口車有三柱任縱橫  
車中五個天潢精潢畔咸池三黑星天關一星車脚邊  
參旗九個參車間旂下直間九旂連旂下十三烏天園  
九旂天園參脚邊

月令正義酉為大梁初胃七度終於畢十一度

晉天文志自畢十二度至東井十五度為實沈於辰在申

魏之分野屬益州

注云晉魏冀并之域非今之西蜀益州

宋兩朝天文躔度云畢八星距右股第一星去極七十五

度天街二星距南星去極七十一度入昴宿十度附耳

一星去極七十七度入畢宿三度天節八星距北星去

極八十度半入畢宿三度諸王六星距西星去極七十

度入畢宿三度天高四星距東星去極七十四度半入

畢宿六度五車五星三柱九星距大星去極四十七度

半入畢宿七度半天潢五星距西北星去極五十八度

入畢宿十一度咸池三星距南星去極五十一度入畢

宿十一度半天關一星去極七十一度半入觜宿初度


參旗九星距南第一星大星去極八十七度入畢宿六



度九游九星距南星去極一百一十三度入畢宿十二  
 度天園十一星去極一百二十四度入畢宿五度

觜宿圖

唐志觜二度





丹元子步天歌

三星相近作觜彙觜上座旗直指天尊卑之位九相連  
司怪曲立座旗邊四鳥大近井鉞前

唐志上黨次居下流與趙魏接爲觜觶之分

李淳風法象志觜觶參伐皆直天關表而在河陰故實沈  
下流得大梁距河稍遠涉陰亦深

晉志觜參魏益州

洛書甄耀度西方白虎而觜參爲虎首故有觜之義


宋兩朝天文志躔度云觜三星距西南星去極八十二度  
半座旗九星距南星去極六十度半入參宿八度司怪

四星距南星去極七十一度入參宿六度半井八星距  
西扇北第一星去極六十九度鉞一星去極六十九度  
少入參宿八度半

按末二座星不補圖因井宿別占不俱列以歌及之  
祇載躔度



參宿圖 唐志參九度



丹元子步天歌

總是七星觜相侵兩肩雙足三為心伐有三星足裏深  
 玉井四星右足陰屏星兩扇井南襟軍井四星屏上吟  
 左足下四天厠臨厠下一物天屎沉

漢天文志晉之疆候辰星占參伐

馬融上日食封事參居兌位屬西方其為分野并州是也

法象志觜參實沉之次於辰在申於州為益

春秋元命苞曰觜參流為

益州益之為言阨也言其所在之地險阨也又曰益之為言隘也謂物類並決其氣急切决裂也

宋兩朝天文志躔度云參十星距中星西第一星去極九

十二度半玉井四星距西北星去極九十八度少入畢



宿十一度半天屏二星距南星去極一百一十五度入畢宿十三度半軍井四星距西南星去極一百五度半入畢十四度天厠四星距西北星去極一百一十八度半入參宿二度屎一星去極一百一十五度入參宿三度半

按以上諸星屬昴畢觜參四星者考晉志隋史乾象新書所載與步天歌互有不合臆爲歌以指諸星之附麗其遠近高下或不必盡同不嫌其不合也

諸星占屬 兩鎮三關志分野說有屬之五星者有三之七星者有配之支幹者有合之節氣者

斗柄屬樞星 春秋緯文耀鉤曰太行以東至碣石王屋底柱冀州於斗柄屬樞星漢天官書魁枕參首北斗七星太微垣北七政之樞機陰陽之本元也故運乎天中而臨治四方以建四時而均五行一曰天樞二曰璇三曰機四曰權五曰玉衡六曰開陽七曰搖光一至四爲魁五至七爲杓蓋帝張四維運之以斗月徙一辰復返其所故其主如此

五星屬辰 史記云晉之疆候在辰星占參罰漢天官書



曰五星屬辰漢志注曰辰星主巽嵒并唐書曰晉亦候辰星占參罰鄭漁仲曰辰星北方冬水智也聽也張衡云五星之精各有攸屬晉灼曰辰常以二月春分見奎婁五月夏至見東井八月秋分見角亢冬至見牽牛出以辰戌入以丑未二旬而入晨候之東方夕候之西方一歲一周天

十二支屬申 皇甫謐曰趙分野自畢十二度至東井十五度曰實沈之次於辰在申謂之涪灘於律爲仲呂斗建在己唐天文志數從星紀起實沈初畢十二度立夏中井初小滿終井十五度蔡邕云起畢六度至井十一度謂之實沈立夏小滿居之

十二次屬實沈 帝王世紀十二次屬實沈春秋左傳曰帝堯遷高辛氏季子實沈於大夏主參故參爲晉星實沈參神也晉語董因曰實沈之墟晉人是居實沈自畢十度中參終井十一度晉魏分野保章氏鄭注云實沈晉也趙晉冀州并州胃昴畢觜參

二十八宿屬觜參 寰宇通志云澤觜參井之分圖書編曰澤州觜參分野洛書甄耀度西方白虎觜參三星爲虎首參伐十星中三星虎身隅四星四足伐三星尾也爾雅星紀觜觿參魏分唐志參罰爲戎索爲武政當河



東盡大夏之墟上黨次居下流與趙魏接爲觜觶參之分以上府志

按衆星者萬物之精分野者周天之次考休咎則國星是徵察凌犯則分野必辨蓋並行也

太白屬金西方之星也辰星屬水北方之星也而三晉與焉漢志註曰辰星主常山主冀崑并太白山主奎婁胃昴畢觜參唐書曰實沈以負西海其神主於華山太白位焉大梁以負北海其神主於恒山辰星位焉燕齊候辰星占虛危晉亦候辰星占參罰雖其說微有不同而西方位金北方位水則固不易之論也

**觜**一度在參之右角如鼎足形主天之闕明大則天下安五穀熟隋志云觜觶爲三軍之候行軍之藏府主葆旅收斂萬物明則軍儲盈將得勢動而明盜賊羣行葆旅起動移將有逐者張衡云葆旅野生之可食者金火來守國易政兵起灾生坐旗九星在司怪西北主別君臣尊卑之位明則國有禮司怪四星在井鈇鉞前候天地日月星辰禽獸蟲蛇草木之變與天高占同參十度上爲日月五星中道甘氏曰參爲忠良孝謹之子明則臣忠子孝一曰參伐一曰大辰一曰天市一曰鈇鉞主斬刈又爲天獄主殺伐又主權衡所以平理也又主邊域



為九譯故不欲其動也參白獸之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也主沙漠不欲明七將皆明天下兵精也王道缺則芒道張參星失色軍散芒角動搖邊候有急天下兵起玉井四星在參西左足下水象也屏二星在玉井南玉井東下四星曰軍井行軍之井也軍井未達將不言渴名取此也天厠四星在

屏東黃吉 舊志

按通志府志不載占驗良以名數灾祥叢雜難舉願

史遷曰德隆則晷星星隆則晷德武王祭畢而干戈載戢宣王北伐而昴宿斯著魯僖公二十四年歲星入實沈之次晉文公即位人事所感天應昭然矧觜應五穀參占七將司兵農者願可不邁德以期順軌歟



總論

春秋左傳昭公元年子產曰后帝遷實沈於大夏王參

註云

后帝堯也今晉陽縣後成王滅唐而封太叔

晉公子重耳出奔歲在實沈秦伯納之故傳曰董因曰君以辰出而以參入必獲諸侯是參之於晉特崙

史記天官書昴畢與州觜觿參益州

李志觜實沈之次於辰在申於州為益

註云晉魏與并之域春秋元命苞曰

參伐流為益州非今之西蜀益州也按朱之俊星野辨益是蜀蜀與晉相隔甚遠而分野則同亦如齊魯接壤而魯屬西方奎婁之分齊屬北方虛危之分中隔亥宮三十餘度宋衛接壤而衛屬北方室壁之分宋屬東方房心之分中隔燕吳齊三宮九十餘度地近而天遠之地遠而天近之其理甚微存參



漢天官書趙地昴畢之分野趙分晉得趙國西有太原定襄雲中五原上黨上黨本韓之別郡遠韓近趙後卒降趙皆趙分也

皇甫謐帝王世紀自胃七度至畢十一度曰大梁之次於辰在酉謂之作噩於律爲姑洗斗建在辰今趙分野自畢十二度至東井十五度曰實沈之次於辰在申謂之涖灘於律爲仲呂斗建在己今晉魏分野

見通志

隋地理志冀州古堯都其於天文自胃七度至畢十一度爲大梁屬冀州帝居所在其界尤大故姬訾之屬并州鶉火之屬河內河東皆在焉

唐一行曰觜觿參伐實沈之次初起畢十度餘八百四十一杪四之一中參七度終東井十一度据山河考之河東及上黨太原盡西河之地古晉魏虞唐耿楊霍冀黎郇西河之濱又河東平陸芮城河北縣及河曲豐勝夏州皆東井之分

圖書編山西諸郡汾州參平陽澤州觜參太原潞安遼州沁州參井三觜參四參井惟昴畢太同

明一統志澤州禹貢冀州之域天文觜參分野

晉天文志十二次自胃七度至畢十一度爲大梁於辰在酉趙之分野屬冀州又州郡躔次昴畢趙冀州趙郡入



畢八度上黨入輿鬼二度東井輿鬼秦雍州

洪氏容齋云十二國分野上屬二十八宿其爲義多不然前輩固有論矣其甚不可曉者莫如晉天文志分地列宿謬亂錯雜而出自李淳風之手豈非蔽於天而不知地乎其說如此李志前代獨推其精密謂天官一書成於耑家爲歷代史中所不及卽馬遷猶當遜長今洪氏非之參之輿鬼原多不協或天步別有占驗存以俟核者然考州郡躔次陳卓范蠡鬼谷張良諸葛亮譙周京房張衡並云上黨入輿鬼是李淳風之說未必盡非而洪容齋之譏恐未當此又一說也

自史記晉天文志金史以大梁之爲趙其占爲昴畢者無不同据山河考濁漳以北常山以東又北逾雁代皆其野表裏山河藩屏中國爲畢分又西晉塞垣皆髦頭故地爲昴分且巽之北土馬牧蕃庶天苑之象亦存唐志參伐爲戎索爲武政當河東盡大夏之墟上黨次居下流與趙魏接爲觜觶之分

澤州舊志參晉星也韓趙魏衛之界晉土也然亦大畧耳班固配十二次自胃七度中昴至畢十一度爲大梁辰在酉趙之分野屬巽州自危十六度中室壁至奎四度爲姬訾辰在亥衛之分野屬并州陳卓京房張衡並云



昴畢趙冀州營室東壁衛并州故太原侯室壁上黨應  
 侯昴畢唐一行以山河兩戒二十八宿度數配地絡之  
 南北陰陽昴畢間為天街陰陰國陽陽國元命苞曰昴  
 畢散為冀州立為趙國上黨趙之分地秦趙遇於長平  
 太白食昴未嘗食參古不以昴建上黨上黨屬晉也晉  
 初不封上黨紫觜參不臨上黨非昴其孰主之高平為上  
 黨地長平之遺跡昭然故高平當屬昴而畢在天街南  
 陽國不占紫觜距參一度為虎首畫野在王屋以東王  
 屋陽城之屏虎有首有身不可以參先紫觜故陽城當  
 屬紫觜此可以斟酌澤郡所屬之星次分合矣

以上府志

李志昴畢大梁之次趙之分也而胃宿附入焉紫觜參實沈  
 之次西魏之分也而井宿附入焉天原發微費直周易  
 分野蔡邕月令章句金史度數起終稍有不同而大梁  
 之為趙其占為畢昴實沈之為晉魏其占為參井則無  
 不同也据山河以考之上黨次居下流與趙魏接為紫  
 觜之分然晉志又稱東井與鬼秦雍州下列上黨入與  
 鬼二度夫井鬼秦之分不應主冀而參實晉星乃遺而  
 不道謂徙大梁河西合於東井秦拔宜陽而上黨入於  
 輿鬼是穿鑿附會之論也

考之分野十二次蓋星家錯舉諸國界域而分配之耳



及相侵伐犬牙深入如上黨本韓之別郡遠韓近趙後卒降趙則爲趙地而其分野又屬參井爲魏分焉夫謂參井爲魏分者非耑以魏言之也言魏則韓舉之矣節

通志

附錄司昌齡高平星野說

按星野之說原於周禮高平晉土也據左傳及史記當占參漢書以趙地爲昴畢分野魏地爲觜觶參分野趙魏皆晉土而星分則殊考天文家所紀多有異同如實沈魏分而史漢雜以益州鶉首秦分而晉書綴以上黨雖以李淳風之精於法象而亦不能使人

無疑也惟唐一行謂觀兩戒山河之象與雲漢之所始終而分野可知夾潞鄭氏深取之謂雲漢江河之氣也認江河脈絡於兩戒識斗羅升沉於四維下叅以古漢郡國而分野如指諸掌蓋星者氣耳雲漢北斗五星無非氣也其言觜觶參伐見新唐書而一統志因之此高平舊志之所本也然而長平之戰太白食昴則高平應昴古有明徵似不當屬觜參州志所云蓋本堅毅畢氏其詳見於四州文獻竊嘗反覆思之二十八宿之分十二次也如昴畢爲大梁觜參爲實沈亦紀其大概耳卽昴畢間爲天街陰陰國陽陽



國而陰陽之氣決無截然中斷之理其次雖分其氣實相通是知昴畢觜參未始不可以互占也屬昴屬參二說雖殊而要豈相背哉得此意者則魏分之益州秦分之上黨亦可以類推矣夫乾象照臨無乎不在高平星野固生斯土者所宜詳也故援舊志及州志而臆論之將以就正於世之知天文者

按劉知幾曰兩曜日星麗於天象非如九州萬國廢置無常故海田可變而景緯無易願欲執古人之法以律今此之躔舍各據一說互相參差幾疑天道遙難可辨証觀天文以察時變豈竟無從置喙耶分野之說緣星而今

國家歷法能杜歲差里差之隙致密於前代卽如畢六度過申今算昴三度井八度過未今算參八度參七星伐三星參原十度觜止半度今法初以距星先參後觜乾隆十九年更正觜一度參九度復觜先參後之次屬隸時改度數亦移而要揆斗宿以辨山河分九州而應列曜雖叢而邑仰觀俯察精氣自有相屬人民物類固無一不統繫而附麗之也博覽以資釐証天道自然之應固有不可誣者乎



高平縣志 卷之二

圖譜

自龜馬呈形圖書肇啟嗣是職方所掌籍辨九州邦國  
封疆山川阨塞天下之大四海之廣履齒馬跡所不能  
周按籍考圖瞭然在日豈惟月露可繪草木蟲魚可寫  
而已乎高平地近太行四山環繞袤延百里古作戰場  
然而城郭則完邱陵殊秀疆隅廟暑儼有規模匪列圖  
編奚從髣髴夫問途覽境曲折幽深寸楮所該每虞約  
畧願布指知寸舒肘知尋村廬城市指畫可稽疆里川  
陵形容得概詎不賴尺寸之圖也哉用是爲圖譜志



高平縣

生國譜





# 縣境全圖每方十里



東至陵川縣界四十五里  
 西至沁水縣界四十五里  
 南至鳳臺縣界三十五里  
 北至長子縣界五十里  
 東南至陵川縣界五十五里  
 東北至長治縣界五十里  
 西南至鳳臺縣界四十五里  
 西北至沁水縣界五十五里





城圖







縣治圖






學宮圖







學署圖



教諭宅




訓導宅






崇正書院圖





南書院圖





陽直程榮寫



按崇正書院規模狹隘物料朽蠹雖經前任黃隨時  
 脩葺日久漸圯若建造維新一時未能即舉因就宗  
 程書院擴充脩補作為崇正暫資講讀舊之崇正存  
 而不廢名為南書院其因仍更易是有待於後之君  
 子

金嶠爽凡







金峰夜月


陳顥

金峰秀出太行青  
遙夜高懸片月明  
影落寒潭清到底  
一輪長照古今情

靈巖秋樹老  
颺颺碧海青天影  
欲流謾道佛衷如  
滿月明  
明佛國放清秋

月夜清輝







丹水秋波



陳顥

丹水秋波恨不窮  
波流東去霸圖空  
落霞光射斜陽影  
猶訝當年戰血紅

丹朱嶺下泛清流  
流淼淼煙波萬古秋  
憶昔芙蓉花滿縣  
何因偏為趙軍愁

大  
魏  
積  
慶







大糧積雪

陳顥

大糧山頭雪成堆趙璧秦城迹已埋猶喜豐年應有兆陽  
春一曲為誰裁

木落天空動曉涼飛雲濺雨亂山傍不知玄谷糧多少似  
有塵堆萬斛香

橫澗  
垂紅







橫澗垂虹

陳顥

朝陽東映玉虹西飲澗橫流影漸迷回首秋風天路近飛  
梁千尺接雲梯

雨朝月夕見毫光一望垂虹石徑涼歎息遊人踪跡杳疑  
從碧落問津梁

后座翰霄







石室朝霞


陳顯

雲開石室寶霞升散逐中天曉日明光彩平分丹水上不知何處是秦坑

山光樹色兩輝輝欲挹朝暎向石幃世代未能湮佛面五雲常自拂苔衣

鴉山暮雨







鳩山暮雨


陳顯

鳩山薄暮雨淒淒野水流雲出小溪欲識山中民樂事東  
臯南畝足耕犁

堙海無能怨未休每因風雨淚交浮晚雲擁樹歸飛急化  
作鳩山一段愁

琴儂曉鐘







游仙曉鍾


陳顥

淡月疎星照露臺  
鯨音初動梵宮開  
驚殘一枕游仙夢  
多少禪僧入定回

十里寒山古刹  
崑飛仙遺蹟至今  
留曉鍾喚醒痴  
愚夢鹿  
鹿紅塵幾白頭

羊頭山曉







羊頭夕照

陳顥

羊頭山高落日斜餘光低照野人家  
巡行不謂前程晚猶縱青驄步月華

古木蕭疎噪暮鴉山邨暝色入人家  
羊峰矗上青霄裏尙有殘陽映晚霞

高平縣志

卷之三

沿革

周禮夏官職方氏掌天下之圖乃辨九州之國使同貫  
利此地理之說所由昉也元和通典曰凡言地利者在  
辨區域徵因革知要害察風土是知建置不常而沿革  
所經胥可以考政治之得失古者不易民而治其亦有  
所不變者蓋州縣之設有時而更山川之秀千古不易  
運會之升沉隆替係乎一代之經理而流峙衍迤民物  
和會迹其已然堯畿禹甸在冊可稽詎不同此疆索歟  
高平隸上黨爲天下樞自昔推敝靡常較他邑獨甚



國家分疆畫野損益前規制度之美超軼百代而歷朝沿革亦有宜叅稽並覈者爰徵往牒綜其繁互用資考鏡焉志建置沿革

高平禹貢爲畿輔支邑春秋屬晉爲趙獻子采地戰國初隸韓屬趙秦列郡縣以其地爲高都縣屬上黨郡漢改爲泫氏縣仍隸上黨後魏改隸建興郡後隸長平郡北齊省泫氏縣移治高平城改高平縣屬高都郡隋改高平縣隸澤州唐武德初改縣爲蓋州貞觀初罷蓋州徙治晉城縣天寶初復改爲高平郡乾元初復置澤州會昌初州隸河陽府縣隸澤州宋屬河東道金隸河北東

路平陽府元隸晉寧路明初改隸平陽府洪武九年仍改高平縣屬澤州隸山西布政司今仍舊

舊志

### 考證

陶唐冀州之域屬帝都畿內 考亭文公曰太行山之絕高處平陽晉州蒲坂山之盡頭堯舜所都也

虞冀州舜紹堯肇十有二州此屬冀 蔡沈曰冀州止有河內之地今河東一路是也

夏冀州 蔡沈曰冀州帝都之地三面距河

殷冀州祖乙都耿屬畿內 郭璞曰殷制兩河間曰冀州

周冀州之分 春秋初爲翟米辰所居外傳所謂草中之



戎麗土之翟者是 戰國時爲長平上黨地屬韓趙  
秦屬上黨郡 通考秦置上黨分上黨高平樂平陽城等  
郡皆是也

漢屬上黨郡 地理志曰上黨郡縣十四有泫氏縣

後漢屬并州上黨郡十三城 泫氏有長平亭

魏屬平陽河內上黨 魏建安九年操領冀州牧或說宜

復古九州以荀彧言不果建安十八年並省入冀至黃

初元年復置并州

晉志并州泫氏高都屬上黨郡 永興元年并州地皆爲

劉元海所有 建興三年劉聰寇上黨四年遷愍帝於

平陽後爲石勒所滅勒時據有河內十一郡并上黨等  
十三郡未幾轉相滅亡無孑遺

北魏永安中置長平郡領高平泫氏二縣治高平縣隸建  
州舊云永安中初析泫氏置高平縣

北齊高氏仍元魏置建州領郡二曰長平高都 舊曰平  
高齊末改焉又省泫氏入高平屬高都郡

後周建高平郡併長平高都二郡入焉

隋開皇三年改高平郡爲澤州 澤州始此置長平郡高平縣隸

焉置司隸刺史分部巡察十六年析高平置陵川大業

三年復改澤州爲長平郡領高平等六縣義寧二年復



改長平郡爲澤州

唐分天下爲十道此屬河東道蓋古冀州之域武德三年於長平置蓋州析置蓋城縣以隸之六年州移治縣屬焉八年復澤州貞觀元年廢蓋州徙澤州治晉城領高平等三縣天寶元年復改澤州爲高平郡領高平等六年置總管府領潞澤沁韓蓋五州貞觀元年置都督府開元中置河東採訪使

五代唐末屬昭義軍晉有潞澤仍曰昭義至梁晉之爭或入梁或入晉周世宗顯德元年親征劉旻戰高平乘

勝追擊旻單騎間道趨平陽而遁至宋太平興國四年王師北征乃歸版圖

宋分天下州軍爲十五路屬河東路澤州高平郡縣六晉城高平陽城端氏陵川沁水

金源屬河東南路澤州天德三年屬平陽府貞祐四年隸澤州昭義軍屬上黨六年改隸孟州元光二年升陽城爲勣州節鎮統高平等六縣正大元年以澤州爲忠昌軍統高平等四縣

元初屬平陽路大德九年以地震改爲晉寧路置司候司領高平等六縣後省司候司屬晉寧路以澤州領高平



等五縣

明初隸平陽府洪武九年以澤州屬冀南道隸山西布政使領高平等四縣

國朝因之雍正六年奉

旨改州爲府屬澤州府焉

附司昌齡高平郡縣沿革考

國史必志地理郡邑志必詳沿革余高平人也邑之故宜知之嘗稽郡邑諸志或簡而多漏或繁而無統緡閱數過終未昭晰則以高平今名也而古或爲長平或爲高都或爲泫氏今又或誤以爲丹川高平今

縣也而古或爲長平郡或爲高平郡或爲蓋州縣今屬澤州也而古或屬上黨郡或屬建興郡或屬長平郡或屬高都郡或屬高平郡或屬蓋州蓋一地而前後異名疆域紛錯又他方之名長平高平者非一不爲疏別益滋譌謬今考歷代史志述吾邑古來建置沿革與所屬州郡府軍之大畧以及地之分合名之同異設爲問答兼總而條貫之俾學者易曉焉按高平在禹貢爲冀州之域春秋初爲戎翟所居後屬晉晉烈公元年趙獻子浣城泫氏戰國時爲長平屬韓上黨地遠韓近趙秦伐韓馮亭以上黨城市邑十七



獻趙趙受之及白起破趙軍於長平遂入秦爲高都縣屬上黨郡前後漢魏晉俱爲泫氏縣屬上黨郡劉石苻姚之亂莫可詳究晉孝武帝太元十一年西燕慕容永稱帝於長子分上黨爲建興郡後魏太武帝太平真君九年省去文成帝和平五年復置時泫氏屬建興郡至孝莊帝永安二年改置建州治高都城領高都長平安平秦寧四郡長平郡縣二曰高平曰泫氏蓋析泫氏地爲高平高平名縣始此按魏書地形志泫氏作玄氏蓋誤遺水傍爲玄非魏真改名也今仍作泫氏又按隋書地理志云高平舊曰平高齊未改焉據此則後魏名平高至北齊始名高平今以魏書爲定北齊文宣帝天寶七年併

魏四郡爲長平高都二郡省泫氏入高平屬高都郡此後獨稱高平不復稱泫氏矣後周武帝建德三年併長平高都爲高平郡隋文帝開皇三年改高平郡爲澤州此稱澤州之始煬帝大業三年又改澤州爲長平郡唐高祖武德元年置蓋州領高平等縣太宗貞觀元年廢蓋州以高平等縣屬澤州玄宗天寶元年改澤州爲高平郡肅宗乾元元年復爲澤州自是高平縣屬澤州歷五代宋金元明無異焉統而言之謂爲高都而屬上黨郡者秦也謂爲泫氏而屬上黨郡者前後漢也魏也晉也仍名泫氏而屬建興郡者



慕容永也後魏和平後永安前也析泚氏爲高平而屬長平郡者後魏永安後也省泚氏入高平而屬高都郡者北齊也以高平屬高平郡者後周也唐天寶時也始以高平屬澤州繼以高平屬長平郡者隋也以高平屬蓋州者唐高祖時也其以高平屬澤州而相沿不革者前則貞觀至開元後則乾元至今雍正間也古者縣有令郡有守州有刺史縣屬於郡郡屬於州上黨郡在漢魏晉皆屬并州魏齊周所置郡則屬建州隋文帝廢諸郡而以州治民煬帝改州爲郡復置司隸刺史唐初改郡爲州蓋州澤州始屬絳州

總管府繼屬潞州總管府後屬潞州都督府太宗分天下爲十道以澤州屬河東道肅代以後要衝大郡皆有節度使澤潞爲昭義軍五代梁末帝改爲匡義軍唐滅梁改曰安義軍晉復曰昭義軍宋初曰昭德軍皆治潞州而以澤州隸焉宋太宗分天下州軍爲十五路置安撫使澤州屬河東路時猶存高平郡之稱金之澤州或隸平陽府或隸潞州昭義軍或隸孟州又改爲忠昌軍皆屬河東南路元世祖初置司候司後廢之以澤州屬河東山西道肅政廉訪司晉寧路明太祖洪武元年澤州領高平平陽城陵川沁水四



縣屬平陽府九年直隸山西布政司冀南道

皇清因之後改冀南爲冀寧至雍正六年陞州爲府增置鳳臺而高平爲次縣此吾邑古來建置沿革與所屬州郡府軍之大畧也或曰高平之名始於後魏澤州之名始於隋旣聞之矣乃唐旣有澤州又有蓋州俄又專爲澤州其分合可詳歟曰余考舊唐書武德元年於高平縣置蓋州領高平丹川陵川蓋城四縣又於濩澤縣置澤州領濩澤沁水端氏三縣此蓋州澤州之分也二州之外仍有建州領晉城縣六年廢建州自高平移蓋州治之而以晉城縣屬蓋州八年移

澤州治端氏九年省丹川蓋城貞觀元年廢蓋州自端氏移澤州治晉城領晉城端氏陵川陽城沁水高平六縣此蓋州澤州之合也或曰高平本縣也而魏齊以長平名郡周以高平名郡隋大業又有長平郡唐天寶又有高平郡沿革無常似非一地其郡治果皆安在且唐於高平縣置蓋州卽高平歟曰魏長平郡治泫氏城見地形志齊因之周高平郡治卽齊高都郡治隋開皇之澤州治丹川則大業之長平郡亦治丹川唐貞觀之澤州治晉城則天寶之高平郡亦治晉城州郡改而治不改也以此推之則魏



齊之長平郡治在吾高平而周隋唐之長平高平郡治不在吾高平矣至蓋州即高平則唐志可据相傳今邑米山鎮為蓋州理或然也第蓋州之治始在高平而後在晉城耳或曰丹川晉城陵川蓋城古未有是名未知其與高平一地歟二地歟曰丹川之縣置於隋晉城之縣置於唐隋之丹川即魏齊周之高都也隋開皇間改周高平郡為澤州而以高都為丹川也其地即今鳳臺縣丹水雖源於高平之西北而其流盛於高都故以丹川名縣唐武德三年移丹川於源澤水北屬蓋州於古高都置晉城屬建州此丹川

晉城之分也九年省丹川入晉城此丹川晉城之合

也隋志有丹川無晉城唐志有晉城無丹川故知丹

川晉城分之則二合之則一也隋唐志於丹川晉城

外皆有高平故知高平自為一地非丹川晉城也而

或者謂高平為丹川誤矣

按隋書地理志丹川注云舊曰高都後齊置長平高

都二郡後周併為高平郡開皇初郡廢十八年改為

丹川詳其意蓋謂改高都縣為丹川縣也澤州志誤

謂改高平為丹川縣遂滋訛謬如謂於高平郡置丹

川縣則畧通然實是初改高平郡為澤州而後又改

高都縣為丹川縣也至陵川則隋開皇十六年所置蓋析高平

東境為縣而唐宋至今沿之獨元初省陵川入晉城

未久而復蓋城縣則唐初析丹川陵川地為之數年



卽廢今陵川縣有蓋城村疑其舊治約而言之丹川  
晉城皆漢高都地也高平陵川皆漢泫氏地也或曰  
所謂地之分合亦旣聞之矣至於名同而地異者可  
悉數歟曰是仍當考諸史志矣竹書紀年慎靚王六  
年鄭侯使韓辰歸晉陽及向二月城陽向更名陽爲  
河雍向爲高平括地志謂高平故城在懷州河陽縣  
西四十里戰國策蘇厲爲齊遺趙王書云反溫軹高  
平於魏卽此又芒卯使魏昭王獻長平王屋洛林之  
地於秦史記秦昭王四十二年東伐韓少曲高平拔  
之其地皆去澤州不遠然不可卽以爲吾高平也又

始皇五年將軍鶩攻魏長平拔之年表魏相劉嘉封  
高平侯皆非吾高平前漢志豫州汝南郡有長平縣  
徐州臨淮郡雍州安定郡皆有高平縣後漢志豫州  
陳國有長平縣兗州山陽郡有高平侯國涼州安定  
郡有高平縣晉志兗州有高平國高平縣豫州潁川  
郡梁國皆有長平縣荊州邵陵郡有高平縣又元帝  
有僑置高平郡宋志有南高平郡高平縣屬南徐州  
有高平郡高平縣屬兗州又陳郡有長平縣屬豫州  
邵陵郡有高平縣屬湘州南齊志南徐州有南高平  
郡高平縣豫州陳郡有長平縣北兗州有高平郡湘



州邵陵郡有高平縣如此之類或同而異或異而同皆非吾高平也至志於魏書者高平之名尤多有兗州之高平郡高平縣有東楚州之高平郡高平縣有南建州之高平郡高平縣有涇州新平郡之高平縣有原州之高平郡高平縣此四高平郡五高平縣皆非吾高平也隋志淮南郡有長平縣唐志彬州桂陽郡原州平涼郡皆有高平縣亦皆非吾高平也他如山川鎮堡屯砦陵渠之類亦有以長平高平名者惟長平城長平亭長平關爲吾邑耳又吾邑有丹水而弘農南陽亦有丹水出上洛冢嶺山故漢晉宋齊魏

隋皆有丹水縣凡此皆名同而地異者也夫惟致辨於地之分合名之同異而後一邑之疆域明一邑之疆域明而其人物事蹟乃無郢書燕說之誦吾邑舊志概不詳究如虞溥郗鑒徐招檀翥兗州之高平人志也蔡襲蔡祐田弘雍州之高平人也皆入吾邑至博州博平之王友直亦謂爲吾邑人蓋因宋史博平誤作高平不知自後魏永安以前吾邑無高平之稱而宋之博州未嘗有高平縣也且崇祀鄉賢忠孝祠承譌踵謬莫甚於此澤守陶公州志朱公府志雖知其失然亦不能盡正而他所增引者又未免有誤也故



余歷考史志而具論之若夫濩澤之爲陽城端氏之  
爲沁水古屬河東河內又以安平泰寧名郡其建置  
沿革分合異同亦學者所宜知然名地易辨非若高  
平郡縣之繁互而難稽也故不復詳著云

按九州分域三代建統秦漢以還郡縣增置名稱廢  
設多難援引况此方春秋淪於荒徼前後五代戰爭  
攻取得失如棋其所易置愈難眉列博稽往籍畧得  
指歸爰條列於前司君昌齡拾遺一卷引据辨証簡  
括明悉錄附於後易曰改邑不改井後之覽者其一  
得所考核歟

今靖居村有靜居院石西京甄仕臣墓中未詳是河人韓  
公題誌以原考實



